



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

2021 оны 12 сарын 23 өдөр

Дугаар 11614

Алтай хот

Г
Мал, амьтны шилжилт хөдөлгөөнийг
хориглох тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.1.3-ын "А" дахь заалт, 29.2 дахь хэсэг, Гамшигаас хамгаалах тухай хуулийн 32 дугаар зүйлийн 32.1.1, 32.1.3 дахь заалт, Мал амьтны эрүүл мэндийн тухай хуулийн 6 дугаар зүйлийн 6.2, 6.3 дахь хэсэг, Засгийн газрын 2019 оны 43 дугаар тогтоолоор батлагдсан "Мал, амьтны шилжилт хөдөлгөөнийг зохицуулах, тээвэр, тууврын замд saatuulж хорио цээрийн хяналтад авах журам, Мал эмнэлгийн ерөнхий газрын даргын 2021 оны 7 дугаар сарын 9-ний өдрийн A/174 дүгээр тушаал, аймгийн Онцгой комиссын 2021 оны 55 дугаар хурлын шийдвэрийг тус тус үндэслэн ЗАХИРАМЖЛАХ нь:

1. Есөнбулаг сумын Наран баг, Халиун, Төгрөг, Шарга, Баян-Уул, Хөхморьт, Жаргалан, Тайшир сумдад мал, амьтны гоц халдварт болон олон улсын худалдааны хорио цээрт шүлхий өвчний халдварт илэрч тархалт нэмэгдэж байгаа тул өвчин дамжин тархахаас урьдчилан сэргийлэх зорилгоор 2021 оны 12 дугаар сарын 24-ний өдрөөс 2022 оны 04 дүгээр сарын 24-ний өдрийг хүртэл хугацаанд тухайн халдварт илэрсэн сум, нутаг дэвсгэрээс мал, амьтан нэвтрүүлэх, шилжилт хөдөлгөөн хийхийг хориглосугай.

2. Халиун, Төгрөг, Шарга, Баян-Уул, Хөхморьт, Жаргалан, Тайшир сумд коронавируст халдварт болон мал, амьтны гоц халдварт "Шүлхий" өвчний тархалтын хүрээ нэмэгдэж байгаа тул нийтийг хамарсан шинэ жилийн арга хэмжээг бүрэн хориглох, иргэдийн хөдөлгөөнд хатуу хяналт тавьж, шаардлагатай тохиолдолд халдвартайг хийж, сумдын Засаг дарга бөгөөд Онцгой комиссын даргаас зөвшөөрөл авч нэвтрүүлэх, хяналт тавьж ажлахыг Онцгой байдлын газар (дэд хурандаа Л.Баянбаатар), Цагдаагийн газар (Цагдаагийн хурандаа Н.Эрдэнэ-Очир)-т тус тус үүрэг болгосугай.

3. Захирамжийн хэрэгжилтийг хангаж, малчид, мал бүхий иргэд, хуулийн этгээдэд мал, амьтны гоц халдварт "Шүлхий" өвчинтэй тэмцэх, сурталчилах, үр

2.

дүнтэй зохион байгуулах, 7 хоног бүрийн Баасан гарагт хийж хэрэгжүүлсэн ажлын тайлан мэдээг аймгийн Шуурхай штабт ирүүлэхийг сүмдүн Засаг дарга нарт үүрэг болгосугай.

4. Мал, амьтны гоц халдварт “Шүлхий” өвчинтэй тэмцэх, урьдчилан сэргийлэх, халдварыг таслан зогсоох, голомтыг устгах үйл ажиллагааг эрчимжүүлж, мэргэжил арга зүйн удирдлагаар хангаж, халдвар гарсан сүмдад халдваргүйтгэлийн ажлыг хийж, үр дүнг танилцуулж ажиллахыг Мал эмнэлгийн газар (Д.Наянбуу)-т үүрэг болгосугай

5. Захирамжийн хэрэгжилтэд хяналт тавьж ажиллахыг аймгийн Засаг даргын орлогч (Г.Чинбат)-д даалгасугай.

ЗАСАГ ДАРГА

О.АМГАЛАНБААТАР

